



**SURAT PEMBERITAHUAN  
PEJABAT SURUHANJAYA PERKHIDMATAN AWAM  
NEGARA BRUNEI DARUSSALAM**

**PENGIKLANAN JAWATAN KOSONG PERATURAN 7(a)**

**Iklan adalah dibukakan kepada orang ramai dan pegawai-pegawai dan kakitangan yang sedang berkhidmat dengan Perkhidmatan Awam Negara Brunei Darussalam.**

**PEGAWAI TUGAS-TUGAS KHAS TINGKAT II (B.2 EB.3)  
BAHAGIAN TENAGA LESTARI  
KEMENTERIAN TENAGA  
NEGARA BRUNEI DARUSSALAM**

---

**Syarat-Syarat Am:**

- (A) PEMOHON terdiri daripada Rakyat Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam.
- (B) Pemohon mempunyai pengetahuan kerasmian agama Islam, adat istiadat, kebudayaan, perkembangan sosial, ekonomi dan politik Negara Brunei Darussalam.
- (C) Bersedia untuk bertugas bila-bila masa di luar waktu bekerja biasa atau bekerja secara bergilir-gilir (*shift*) atau semasa cuti awam dan juga hendaklah bersedia untuk bertugas di mana-mana daerah di negara ini.
- (D) Bagi pemohon yang terdiri dari Pegawai-Pegawai Kerajaan hendaklah mempunyai tahap penilaian prestasi sekurang-kurangnya SANGAT BAIK bagi tempoh tiga (03) tahun kebelakangan.



**1. PEGAWAI TUGAS-TUGAS KHAS TINGKAT II  
BAHAGIAN TENAGA LESTARI  
KEMENTERIAN TENAGA  
B.2 EB.3 (\$2,270 - \$4,240 SEBULAN)  
KEKOSONGAN = SATU (01)**

**KELAYAKAN MINIMUM:**

1. Ijazah Sarjana Muda atau sebanding dalam bidang *Building and Construction / Civil Engineering / Electrical Engineering / Energy Efficiency / Energy Engineering / Engineering in Sustainable Energy / Energy Management / Environmental Science and Management / Green Energetics / Mechanical Engineering* atau bidang berkaitan.

Mempunyai kelulusan yang lebih tinggi adalah kelebihan.

2. Sebelum layak ditetapkan dalam jawatannya, Pegawai Tugas-Tugas Khas Tingkat II dikehendaki lulus peperiksaan berikut:
  - i) Peperiksaan Jabatan (jika ada)
  - ii) Peraturan-Peraturan Am 1961 dan Peraturan-Peraturan Perkhidmatan
  - iii) Peraturan-Peraturan Kewangan

Peperiksaan ii dan iii akan dikendalikan oleh Jabatan Perkhidmatan Awam.

**TUGAS DAN TANGGUNGJAWAB:**

1. Bertanggungjawab kepada Ketua Unit Kecekapan dan Penjimatan Tenaga, Bahagian Tenaga Lestari;
2. Membantu untuk mencapai aspirasi Negara Brunei Darussalam dalam pengurangan intensiti tenaga sekurang-kurangnya 32% menjelang tahun 2025 sejajar dengan perancangan strategik Kementerian Tenaga;
3. Mempromosi dan membuat pembangunan semua perancangan dan program yang bersangkutan paut dengan projek kecekapan dan penjimatan tenaga;
4. Memastikan semua projek-projek kecekapan dan penjimatan tenaga yang dilaksanakan tidak terhad kepada projek-projek di peringkat Kementerian sahaja tetapi ianya juga merangkumi semua projek-projek yang dirancangan oleh Kementerian/Jabatan Kerajaan serta agensi-agensi bukan Kerajaan termasuk sekolah-sekolah di seluruh negara;



5. Menggubal serta membangunkan polisi/dasar dan peraturan bagi kecekapan dan penjimatan tenaga dan memastikan semua dasar dan peraturan tersebut dipatuhi oleh semua pihak termasuk Kementerian/Jabatan Kerajaan, agensi-agensi bukan Kerajaan dan pihak-pihak perseorangan;
6. Mengendalikan taklimat serta seminar penjimatan tenaga kepada semua pihak dalam negara termasuk pegawai-pegawai Kerajaan, penuntut-penuntut sekolah, masyarakat dalam dan luar bandar di seluruh negara;
7. Mengungkayahkan program pengauditan tenaga bagi bangunan-bangunan Kerajaan dan komersial untuk mengenal pasti corak penggunaan tenaga bagi bangunan-bangunan berkenaan dan seterusnya membuat rekomendasi ke arah peningkatan kecekapan tenaga secara keseluruhannya;
8. Memberikan khidmat nasihat kecekapan dan penjimatan tenaga kepada semua pihak termasuk Kementerian/Jabatan Kerajaan, agensi-agensi bukan Kerajaan dan pihak-pihak perseorangan; dan
9. Menerima apa jua arahan daripada Ketua Unit Kecekapan dan Penjimatan Tenaga, Bahagian Tenaga Lestari dan pihak atasan dari semasa ke semasa.

**TUGAS-TUGAS SAMPINGAN / TAMBAHAN:**

1. Berperanan selaku sekretariat bagi Jawatankuasa Kerja Kenderaan Elektrik;
2. Membuat lawatan pada bangunan-bangunan yang telah dikenal pasti layak untuk menyertai *ASEAN Energy Award*;
3. Menjadi salah seorang lembaga penghakiman di peringkat *ASEAN* bagi pengurusan kecekapan tenaga dalam bangunan di Anugerah Tenaga *ASEAN*; dan
4. Menyelaras lawatan-lawatan kerja khusus buat pegawai serta kakitangan Kerajaan dan juga penuntut-penuntut sekolah serta agensi-agensi bukan Kerajaan ke aset-aset Kerajaan dan persendirian seperti Logi Tenaga Suria Brunei dan projek tenaga suria yang lain.